



安徽通志

ル 5
1575
115



5
1575
115

重修安徽通志卷三百四十七

雜類志

祥異

五行徵驗作史者侈侈言之雖其閒不無費詞而揆諸天人交應之理未嘗無據方志與史書實相表裏舊志所載祥異一卷上溯歷代而於

本朝之嘉祥瑞應皆仰遵

列聖賜雨省躬之義不敢侈陳至於水旱偏災動關軫念凡民壽考幸達

宸聰則必大書特書且不一書者董生有言曰善言天者必有驗於人

此千古不易之論也茲悉因之述雜類志祥異

周孝王十三年大電江凍

以下並江南通志祥



秦始皇時長水縣童謠云城門當有血城陷沒爲湖一老媪旦
旦往窺門門卒問知其故戲塗大血給之媪見疾走水卽大至
淪陷爲谷曰谷水

漢惠帝五年大旱江水少谿谷絕

呂后三年夏江水溢流民千餘家

八年江水溢流萬餘家

景帝三年楚國呂縣有白頸烏與黑烏羣鬪白頸不勝墮泗水
死者數千

元光三年河徙自頓邱經瓠子通於淮泗

元封五年帝往南嶽祭灑霍山上無水廟有四鑊可容四十斛
祭時水輒自滿事畢卽空每歲四祭後但三祭一鑊自敗
河平二年楚國雨雹大如斧

後漢建武二十四年睢水逆流一晝夜

永元元年淮水變赤成血

延光二年丹陽山崩四十七所

建和元年黃龍見譙

永興二年彭城泗水增長逆流

胸山崩

三國吳赤烏十三年丹陽故鄣甯國諸山崩

建興元年九月桃李花

寶鼎元年丹陽民宣壽母年八十偶浴化爲龜諸子閉戶守之
掘堂上作大坎實水其中鼃入坎遊戲一二日延頸外望伺戶
小開躍入遠潭不還

晉咸甯元年白雉見安豐

太康二年淮南丹陽地震

四年壽春山崩地陷三十丈

六年安豐有文化為男

永甯元年繁昌縣小兒八歲髮白能卜

太安元年丹陽當塗縣夏架湖有大石浮二百步而登岸民驚

譟相告曰石來尋石冰入建業

永興元年十二月丹陽內史朱達家犬生三子皆無頭

永嘉三年江水竭可涉

壽春民間有豕生兩頭

東晉大興元年日夜出於南斗中高三丈

二年丹陽馬生駒兩頭

永昌元年晝夜電雷震五十餘日

咸和元年宣城春穀縣山岸崩獲石鼎重二斤受觔餘

咸康八年甘露降襄安縣

廬江民雷珪夜見門內火光掘之得玉鼎圍四寸

永和九年十二月桃李花

升平五年天裂有聲

太元十五年地震

十七年地震

義熙四年丹陽淮南地生毛

十一年霍山崩獲銅鐘六枚

南北朝宋元嘉八年繁昌獻白兔

十八年五月江水溢沒居民害田稼

二十年歙縣獻白熊

二十三年當塗木生連理

孝建二年白兔見淮南

大明二年白鹿見丹陽

三年宣城甘露降

白龜見宛陵石亭山野蠶生三百餘里

五年松木連理

泰始二年赭圻獲石柏長三尺二寸廣三尺五寸赭圻城南得

紫玉一段圍三尺二寸長一尺厚七寸攻爲一爵

昇明三年白虎見歷陽

齊建元元年甘露降淮南

永明元年丹陽大水

四年丹陽獲白兔

永元元年淮水變赤成血

梁天監七年廬江濳縣獲銅鐘二枚

普通元年七月江海並溢

中大同元年竟天有聲如風雷相擊

太清元年丹陽民婦生男眼在頂上自是旱疫三年

承聖元年淮南有野象數百壞人廬舍

陳太建十二年丹陽等處大旱

十四年江水赤如血

貞明二年有羣鼠自蔡州岸入石頭渡淮至青塘兩岸數日死

隋開皇十二年繁昌見雲中有物如羝羊黃色鬪墮獲其一數

日失所在

大業十三年大旱自淮及江東絕水無魚

唐武德四年濠州老子祠枯樹復生枝葉

貞觀二年當塗崔姓有駢竹之異觀察使以聞改宅為寺賜名瑞竹

三年譙泗濠等處大水

八年江淮大水

十二年滁濠二州野蠶成繭

十三年滁州野蠶成繭

永徽元年宣歙等州大雨水

顯慶元年宣州涇縣山水暴出平地深四丈

總章元年江淮大旱饑

垂拱元年淮南地生毛或白或蒼長者尺餘焚之臭如燎毛

廬州產嘉禾

巢縣產嘉禾一本五六穗

開元十九年舒州白鹿見

二十九年亳州老子祠九井竭復涌

天寶七載歙州牛與蛟鬪數日牛出潭水色赤

上元二年江淮大饑人相食

大歷二年淮南水災

建中二年霍山崩

貞元三年魚鼈蔽江而下皆無首

四年淮南地生毛

宣州大雨震電有物墜地如豬手足各兩指執紅斑蛇食之頃之雲合不見

八年淮水溢平地七尺沒泗州城

重刊... 卷三十四
十三年淮水溢於亳州

元和三年江南旱

九年淮南宣州等處大水

長慶二年江淮饑

三年宣歙等處旱

太和二年淮南李樹生橘

江水溢沒舒州太湖宿松望江三縣田數百頃

七年舒廬壽滁和宣等州大水青稼

八年春穀獻白兔

開成二年有大魚長六丈自海入淮至濠州

六年淮南饑

會昌元年江南大水

大中六年淮南饑

十年舒州吳塘堰眾鳥成巢高一丈濶七尺中有大鳥人面綠身紺爪喙呼聲曰甘

咸通七年江淮大水

八年泗州下邳雨湯殺鳥雀

乾符四年廬江縣鵲巢平地

中和三年汴水入於淮水鬪壞民船數十艘

四年江南大饑人相食

臨淮鷹化爲鵝

天復三年宣州有鳥如雉而大尾有火光如散星集於戟門明日大火曹局皆燼惟兵械存

南唐保大十一年大旱

宋乾德五年五星聚奎

開寶元年六月大雨水江河汎溢壞民田廬舍

六年淮水溢

七年淮水暴漲入泗州城壞民居五百餘家

太平興國二年舒州麥秀兩歧

三年甘露降於壽州官舍

五年潁州貢白獐白雉

雍熙元年鎮星犯斗宿建星

二年江水冰

淳化三年舒州甘露降

至道元年濠州獻瑞穀圖

泗州獻瑞麥

咸平二年宣池歙州竹生米如稻

甘露降於太平府

亳州貢白兔

亳州太清宮鐘自鳴

景德四年廬宿泗等州麥自生

大中祥符四年知亳州徐泌獻芝草

七年泗州水害民田

甘露降亳州太清宮太清宮枯檜復生枝

天禧元年江淮大風多吹蝗入江海或抱草本僵死

和州蝗生卵

甘露降廬州通判廳及后土祠

三年潁州石隕出泉飲之愈疾

天聖四年江淮大水

慶曆八年廬州合肥縣稻再實

皇祐三年無為軍土岡產芝三百五十本賜名紫芝山

嘉祐元年江溢

二年淮水溢

七年濠州鍾離地生麩十餘頃民皆取食

元祐七年滁州產芝二百餘本

紹聖元年淮南軍禾一本九穗

建中靖國元年江淮旱

大觀元年甘露降於建平縣凡十有二日

廬州雨豆

重和元年江淮水

宣和二年歙州牛生麟

建炎四年婺源朱氏井紫氣若層雲是時朱子生於閩

紹興二年宣州天雨錢

四年淮水溢中有赤氣如凝血

十八年徽州慶雲見

二十一年建德縣桑生李實栗生桃實

二十六年天雨水銀

二十九年有星隕蕪湖化為石高二尺色黑如鐵

隆興二年甯國太平水浸城郭舟行塵市人多溺死

乾道元年池州竹生穗實如米民採以食

三年當塗產瑞麥一莖六穗

四年舒州雨黑米

淳熙十二年太平州產異麻合數幹為一狀如芝

十五年淮甸大雨淮水溢廬濠安豐廬室皆壞

慶元三年婺源雌雞化為雄

嘉定四年休甯縣產異粟形如龍鳳

寶慶二年休甯縣山裂

紹定元年廣德產瑞麥一莖四穗

元至元十五年甯國路敬亭麻姑華陽諸山崩

十九年甯國太平縣饑民採竹實為糧活者三百餘戶

二十四年九月江水溢

二十六年貴池民獻紫芝

元貞元年太平州民上榆木一本析之有文曰天下太平

大德元年和州歷陽縣江漲漂沒廬舍萬八千五百餘家

廬州路無為州江漲漂沒廬舍

泰定元年黃河南入於淮

至順元年潛山大水

三年八月江水溢

至元元年安慶及潛山太湖宿松地震

至正二年桐城花崖龍眠山崩

潛霍山崩

十二年池州雨物若果核

甯國路無雲而雷

明洪武元年池州青溪江口生洲

二年宣城產瑞麥

二十一年五色雲現天鳴

永樂二年臨淮大水徙縣治於曲陽門外

宣德元年五月蕪湖久雨江溢渰民田一百五十八頃有奇

九年大旱江湖涸竭麥禾不收道殣相望

正統元年淮河清一月

十四年徽州池州府學並產紫芝

景泰二年江南地震

成化十一年徽州地震生白毛

宏治五年廬州甘露降

七年池州雨黑豆

廬州大雪色微紅又雨豆茶黑褐三色

嘉靖元年太平縣大饑黃山竹生米人採食

八年舒城石自徙二丈許

十四年滁州州西諸山夜鳴如雷

三十一年淮河大溢

萬曆六年休甯冰花俱成人物車馬草木狀

十三年休甯白雉見

十四年宿松大水害稼

滁州白鵲來巢

十七年江水泛溢太平府平地水深丈餘田廬沒為巨浸

二十二年淮水清一百六十里

四十二年池州有鼠數百萬銜尾渡江為田患尋有鳥如鵲鵝

食鼠遂絕鳥亦不見

天啟四年霍山崩

五年桐城馬氏婦年七十變為男

崇禎元年太湖縣雲成五色有樓閣狀

九年鳳陽鼓樓鐘自鳴

十年泗州學宮古檜吐煙若篆有異香

十二年歙縣許村石自鳴

十三年七月江水溢安慶府田廬多沒

國朝順治元年懷遠產瑞麥一莖雙穗

三年和州文廟產芝三十六莖

十一年建平麥秀雙歧含山產嘉禾一莖五穗

十五年潁州水地震有聲

十八年定遠民家牛產麟

康熙元年建德儒學枯樹復生

泗州民妻一產三男

二年和含大水

四年懷遠雨粟

六年臨淮懷遠泗州潁州霍邱蝗蝻為災

七年六月十七日江南同時地震

太和雨蕎麥

八年歙縣民妻一產四男

十年廬州慶雲見

十一年臨淮麥秀兩歧蝗不為災

靈璧麥秀兩歧

十九年盱眙產瑞麥

二十年蒙城麥秀五歧三歧者數十本

二十一年當塗麥秀雙歧

二十二年貴池筭竹實如麥

二十三年正月含山大雷雷雨雹

宣城硤石山蛟發二十餘處汪家圩蛟自平疇起破圩而出

池州府水

當塗大水壞圩岸田禾渰沒

巢縣天鼓鳴

二十五年泗州旱蝗秋大水

二十六年安慶府大雷電風雨拔木飛瓦公廨民舍傾頽無數

望江大風破樹轉石數兩黑豆

當塗縣螟

二十九年婺源祁寒大木盡槁

舒城旱災冬嚴寒河冰厚數尺

六安州五月夜風暴起屋瓦皆飛雲際大石坊倒地大樹多拔

宿州秋蝗大饑

三十年婺源霖雨漂沒田廬

徽州府旱

當塗民或見如燐者或黑物如犬附地去者四鄉置兵守望數

月乃息

三十一年休甯富瑯塔無火自焚其頂錫匣藏血書金剛經自

頂墮現

宿州蝗

三十三年合肥產麒麟於三河鎮民家

三十四年十二月徽州府六縣大雨四十日

三十五年徽州府六縣大水浸城不沒者數版

三十七年宿州麥秀二歧

三十八年石埭學宮古檜結毬大逾斗

四十二年石埭民章丹桂妻沈氏宿州民徐文光妻王氏郭梅

妻孫氏俱一產三男

四十四年十二月晦夜望江大茗山鳴如雷

四十五年甯國縣大旱

建德民陳需妻一產三男

當塗產瑞麥一莖雙歧

四十六年池州府城雨豆五色

當塗連年麥秀雙歧

四十七年甯國縣大疫

池州府大水出蛟

建德民汪璧生妻何氏一產三男

四十八年宿州大饑

潁州水

四十九年石埭民舒作臣妻胡氏一產三男

舒城蛟水泛漲平地深數丈

五十年甯國縣文脊山鳴聽之如大風又如洪水奔壑六日方

止是年麥大熟兩歧八穗

六安州大旱飛蝗蔽天

霍山蛟水暴發

五十一年宿州大旱樹頭生火風霾障天白晝如晦

五十六年懷遠彩雲見於中天瀾漫經時未散

五十七年安慶府冬雷電

舒城大雪深丈餘塞戶填門

鳳陽府民徐步蟾妻邱氏一產三男

五十八年涇縣竹生實民爭采食

雍正元年涇縣民章天安妻衛氏一產三男

八月舒城飛蝗蔽天落地厚數尺忽一夕出境

二年南陵民毛起美妻鄧氏一產三男

舒城縣蝗蝻遍野溝壑皆平壓樹墜如毬忽一日自去

三年日月合璧五星聯珠

五年六安州西南諸山蛟發水高數丈

七年含山近運鎮有棠栗樹為祟以羊豕祈者無虛日居人至

列茶酒肆以沽報賽者邑宰命伐之掘地見蟻數斗妖遂息

九年舒城孝子賈右彪墓田出稻較常粒四倍盈尺田內約計

升餘收付先農壇種以供粢盛

十年潁州苗家集人司珺一百四歲五世同堂江南通志紀聞

十二年潛山民汪祝三妻孟氏績溪民張廷應妻周氏並一產

三男

十三年南陵民徐坤妻汪氏虹鄉民尹宗廣妻衡氏並一產三

男

乾隆元年無為州民婦楊吳氏百歲以下舊志並各府州縣志

亳州民周德茂一百二歲趙振鐸一百六歲單懷臣妻張氏一

百一歲

二年無為州民汪富生妻焦氏一產三男

阜陽民婦葉李氏一百六歲

潁上民婦劉杜氏一百八歲

三年六月朔涇縣地震有聲

望江宣城涇縣甯國銅陵當塗蕪湖繁昌合肥廬江無為霍邱

來安俱大旱

四年潛山望江東流合肥廬江俱大旱

來安麥秀兩歧秋大熟

潁州大水入城東西南三門太和圍城亳州蒙城災

五年無為州民魏海元子婦一產三男

六安潁州六屬並來安俱大水

七年望江東流無為州宿州暨潁州六屬俱大水霍邱地震

泗州河決石林口泗虹大水

八年夏五月涇縣地震有聲如雷

銅陵大水冬桃李花

宿州霍雨

九年涇縣大水入城倉儲俱沒

七月旌德蛟水暴漲漂沒田廬人畜無數

舒城民婦潘劉氏百歲

十一年潁州六屬俱大水夏宿州黃水溢

十二年潁上縣民周姓一產三男

夏五月黟縣大水壞田廬

潁州六屬俱大水

十三年太平縣學宮丹墀下產芝草

青陽民袁滾隆一百二歲

十四年合肥阜陽潁上亳州大水冬十月宿州雙古堆隕星一

潁上民婦鄭龔氏一百四歲

十五年阜陽民楊在朝妻袁氏太和民李峻縣志作岐妻關氏俱一產三男

穎州六屬俱大水

秋銅陵六安蛟出無數山石崩裂衝壞田廬民多漂沒

十六年穎上民婦馬張氏百歲

宣城旱

冬十月太平縣學宮甘露降

十七年泗州民柳世茂妻潘氏百歲

十八年合肥民徐浩然妻一產三男

泗州蝗秋九月大雨河決淮復大漲虹城內水深二三尺陷城

垣十餘丈田廬坍沒無算

來安大旱饑

十九年東流夏大淫雨秋大水

二十年正月東流山水暴涌沈溺船隻淹斃人民春久雨夏大水五穀不登

銅陵蕪湖合肥廬江無為巢縣俱大水

二十一年春望江大雪二月至三月冰厚六七寸秋大風擣水

中小船上山揭屋拔木冬桃李花凋謝大水

涇縣民婦瞿王氏百歲

黃淮交漫泗州大水虹城水深四尺餘

二十二年泗州民楊標妻黃氏一產三男

蕪湖女子及笄化為男

二十四年夏閏六月潛山望江大水潰決河隄壞民田舍

秋八月懷甯蝗

六安大水

二十九年夏六月懷甯望江江潮泛溢水入城

潛山東流銅陵蕪湖俱大水

三十年建德民姚鳳翥妻金氏一百二歲余士瓏妻程氏一百一歲

三十一年黃河決泗州大水虹城水聲如雷深四尺餘

懷甯東流銅陵蕪湖無為廬江巢縣俱大水

三十三年夏懷甯潛山大水滁和二州屬俱大旱秋霍邱大旱蝗

冬懷甯地震

三十四年潛山宣城南陵銅陵蕪湖廬州俱大水潰河隄無數

太湖民蔡子夏一百一歲大水

三十五年太湖民朱憲章同妻劉氏齊年百歲

謹按詩恭載

賜

言紀

夏懷甯大水秋九月初三日雨雪平地約四五寸

宿州蝗

三十六年泗州民張永述一百二歲

三十九年懷甯大水

宿州黃水溢

四十年夏秋蕪湖大旱

四十一年青陽民曹正送妻董氏一產三男

東流大水有物自建德河來由江口入江衝裂隄岸壞船無數

四十二年涇縣民洪士吉妻吳氏一百一歲

四十三年太湖民李家齊親見七代五世同堂

秋七月淮黃漫溢亳州蒙城鳳泗等十七州縣俱被淹

四十五年霍邱民施錦妻關氏一百二歲

合肥監生方直同妻袁氏五世同堂

四十六年夏五月潛山大水潰隄傷稼漂沒田廬自五月至七

月不雨復旱

合肥民劉世仁百歲

四十七年太湖民侯紹連一百四歲涇縣民胡一開一百一歲

霍邱民張如願妻扈氏一百一歲

四十八年涇縣民許宗黃一百一歲

東流大水

四十九年青陽民鮑洪果五世同堂

石埭大旱

五十年甯國池州太平鳳陽潁州滁州廣德六安泗州各府州屬俱大旱

五十一年三月太湖唐家山地出黑米饑民取食全活甚眾御製詩恭
載皇言紀

宿州阜陽蒙城建平麥秀三歧四歧

滁州全椒夏大旱秋大水

五十二年歙縣人庶吉士曹昞五世同堂

銅陵民陳國興妻余氏百歲趙三昂妻章氏百歲方國展一百

三歲妻余氏一百一歲

南陵民任及賴妻羅氏一產二男

泗州麥秀雙歧

五十三年五月祁門蛟水暴發漂溺人民無數

涇縣民婦吳徐氏一產三男

鳳陽民婦王氏百歲

五十四年宿州黃水溢田廬淹沒民多露處

五十五年潛山民余文章涇縣附貢生胡先燊俱五世同堂

五十六年旌德民婦江吳氏蕪湖民晉起鳳亳州民蔣公弼俱百歲

五十七年潛山民熊國沛一百三歲

涇縣貢生馬元泰五世同堂

霍邱民鄒鳳鳴妻張氏一產三男

蕪湖縣泮池生蓮

五十八年銅陵蕪湖廬江大水

五十九年青陽民何履謙五世同堂

霍邱民張藩同妻蘇氏九十七歲親見七代五世同堂

黟縣民黃承續妻葉氏一產三男

六十年婺源民婦戴黃氏百歲

太湖武生吳應萬親見七代五世同堂

嘉慶二年青陽民施秉瑞百歲

三年英山民葉敷桂妻鄭氏百歲五世同堂盛永忠妻馬氏一百四歲

績溪民馮曹氏百歲五世同堂

霍山民婦劉潘氏一百一歲親見七代五世同堂

宣城民貢懋昭百丁共爨六世同居

五月懷甯大蝗至冬不絕

宿州黃水溢至五年始歸故道

四年涇縣民包良昱百歲民婦徐王氏百歲

廬江縣雨墨汁

五年績溪民程嘉陞太平縣民李文架俱百歲

青陽民施武魁親見七代五世同堂

夏懷甯大水壞民田舍宣城南陵銅陵蕪湖廬江俱大水

六年青陽民陳德參親見七代五世同堂

七年英山人

恩賞七品吳慶思百歲民施長壽一百三歲

甯國府屬阜

廬江圩田大稔

八年涇縣人內閣中書吳壽昌州同曹文松貴池人理問銜曹

柱中青陽民鮑梓謳皆親見七代五世同堂

涇縣民婦翟陳氏一百一歲

九年青陽民江宗禮五世同堂

和州民陶承廷一百二歲親見七代五世同堂

夏懷甯大水宿州黃水溢

十年涇縣人

欽賜檢討章雲路百歲

欽賜檢討汪一夔一百三歲

十一年南陵人

欽賞八品徐綦然青陽民方從履俱五世同堂

十二年青陽民陳金壽五世同堂太和民李泰隆親見七代五

世同堂

旌德民婦江汪氏百歲

十三年懷甯民婦朱陳氏百歲

婺源民俞文璧妻葉氏五世同堂

銅陵民周聿齡周仁愔俱百歲阮守儉一百六歲胡大鵬妻錢

氏百歲王聚文一百一歲五世同堂周慈生同妻陳氏夫婦八

旬五世同堂

五月懷甯潛山蛟水暴漲壞民田廬

十五年霍邱民鍾玉一百一歲

四月懷甯雨雹壞禾麥

秋宿州大水

十六年涇縣人

欽賜檢討章岱青陽民劉成謙合肥民梁耀西休甯民婦吳汪氏俱百歲

十七年潛山民徐德芳一百二歲廬江民婦李黃氏百歲

十八年涇縣民馬元龍妻鄭氏五世同堂霍邱民王文舉親見

七代五世同堂

靈璧民趙啟功百歲

太湖民劉聖顏妻韋氏天長民朱起才妻張氏皆一產三男

五月太平縣蛟水暴發壞田廬溺人畜

宿州亳州大水

十九年鳳臺民孫士俊妻費氏一產三男

懷甯潛山銅陵建德東流霍邱廣德大旱饑

銅陵大旱雨赤豆

二十年涇縣人大理寺左丞吳鴻圖青陽民劉成禮皆五世同堂

石埭人

欽賞八品徐興隆一百一歲

二十一年涇縣民畢友錦一百二歲南陵民曹亨大百歲

青陽民方炳虎九十三歲五世同堂

二十二年祁門民婦章汪氏百歲

秋七月二日東流雨雪平地寸許

二十三年涇縣民潘懋修吳景元翟永櫓妻王氏皆五世同堂

王永悌妻徐氏一百七歲五世同堂朱琛齡潘廷譽

欽賜舉人趙臺皆親見七代五世同堂

霍邱民顧其義妻百歲屠大愷妻薛氏百歲五世同堂

建德民查繼明壽州民婦周楊氏皆百歲

二十四年太湖民婦戴程氏青陽人

欽賜檢討吳世淑東流民婦章汪氏宿州民朱泰吉霍邱民婦顧胡氏

俱百歲

歙縣民饒大登王永橋俱親見七代五世同堂

涇縣民吳金紳吳爾勤俱五世同堂

蕪湖民婦汪戴氏五世同堂

二十五年太湖

晉封通奉大夫李聲節繼妻陳氏親見七代五世同堂

徵受祐 欽賜瑞

甯國縣民萬應奎旌德民劉榮棟俱親見七代五世同堂

正月涇縣地震

建德旱

道光元年太湖民婦周許氏親見七代英山民胡可筠親見八

代俱五世同堂

黟縣民汪文灝百歲五世同堂

歙縣民婦鮑許氏鮑吳氏涇縣民婦朱趙氏俱五世同堂

南陵民孫宏識廣德州民耿世安俱五世同堂

石埭建德歲大稔

二年青陽民吳名定五世同堂施祖應親見七代五世同堂

無為州民徐正榮歙縣民婦洪方氏胡朱氏太湖民婦李葉氏

俱親見七代五世同堂

六安州民楊允和親見八代五世同堂

貴池民方隨添妻章氏一產三男

太平縣民婦焦陳氏當塗縣民婦費唐氏俱百歲含山民李榮

書妻一百三歲泗州民婦李王氏一百五歲

三年太湖人

欽賞六品汪珍琇百歲青陽民施文魁一百一歲

南陵民汪學度合肥民郝緯年俱親見七代五世同堂

懷甯縣三月至七月霖雨江水漲壞民田舍歲大饑夏四月績

溪縣蛟水暴發五月涇縣大水入城秋七月潛山太湖望江南

陵貴池銅陵東流當塗蕪湖繁昌廬江無為巢霍邱滁和泗等

州縣蛟水大發壞田廬無算

四年大有年

涇縣民吳薰士陳希謙俱五世同堂查崇澣妻趙氏百歲五世

同堂徐必懌同妻洪氏五世同堂

誥封奉政大夫朱安邦繼妻趙氏五世同堂

欽賜翰林院檢討朱紱百歲懷甯民郝顯達百歲民婦孫聶氏百歲

霍邱民余永茂百歲李文灼妻湯氏百歲臺峯年一百四歲妻

重修安海縣志 卷三 四
楊氏百歲監生江有淇九十二歲五世同堂王林仲妻袁氏一
產三男

績溪民曹相年親見八代霍山民彭椿年親見七代俱五世同
堂

五年婺源諸生洪亦妻王氏夫婦五世同堂

涇縣民唐廷讚妻鳳氏朱焯妻洪氏俱五世同堂

滁州民陶景鸞妻侯氏一產三男

以上舊志

七年太湖民呂允冰百歲監生李聲張妻王氏親見七代五世
同堂

石埭民孫應祖妻朱氏五世同堂

八年太湖民戴家道一百三歲諸生周天度妻唐氏親見六代

監生祝開誠妻張氏親見七代州同王善徵妻周氏親見七代

俱五世同堂太平縣

欽賞九品張國夫婦親見八代五世同堂

欽賞八品謝家振一百五歲五世同堂

五月宿松大水

建德旱

九年涇縣民婦吳章氏一百一歲五世同堂

十年桐城監生黃順美妻李氏滁州諸生金城俱五世同堂

太湖監生殷培銳親見七代太平縣

欽賞九品監生項廷堅親見八代俱五世同堂

婺源民俞鎮球五世同堂金時履夫婦親見七代五世同堂

四月太和地震有聲

霍邱大水

含山雨雹傷稼

英山大風拔木

十一年涇縣試用訓導趙紹祖五世同堂

泗州張大年妻高氏百歲

八月霍邱太和地震九月五河地震十月滁州來安地震

鳳臺地震平阿山民房圮五百餘間壓斃多人

懷甯桐城潛山宿松望江貴池銅陵東流當塗蕪湖繁昌廬江

無為巢縣鳳陽懷遠鳳臺靈璧泗州盱眙五河俱大水和州旱

和州志作大水

十二年祁門附貢許士瑤涇縣民汪洧妻湯氏俱五世同堂

旌德民倪德榜一百二歲

春潛山夏桐城當塗各大疫

宿松定遠旱

黟縣銅陵壽州宿州靈璧阜陽霍邱亳州天長水潁上河溢漂

沒廬舍

巢縣含山大冇年

十三年銅陵縣民胡希賢五世同堂

懷甯桐城望江貴池銅陵東流當塗蕪湖繁昌五河俱大水鳳

陽盱眙旱

十四年涇縣民婦翟周氏一百一歲

太平監生王光輝夫婦親見七代全椒監生汪啟鍵妻夏氏百

歲親見七代俱五世同堂

巢縣阜陽旱蝗

潁上大水

鳳陽麥秀雙歧

十五年太湖監生祝唐妻趙氏百歲親見七代五世同堂六安
監生盛大桂妻王氏五世同堂

婺源民戴世筭百歲

甯國旌德麥大熟阜陽穎上麥秀雙歧

十六年黟縣民孫洪甲百歲

太平縣民胡守淵一百二歲親見八代五世同堂
八葉衍祥高

虹鄉麥秀雙歧

秋八月桐城地震

太湖望江大有年

十七年當塗民張如涇五世同堂

英山民王錫善百歲

甯國縣水胡樂司巡檢及弓兵漂沒十餘人遂失印

靈璧大有年

十八年太湖監生吳國祿繼妻殷氏一百一歲五世同堂婺源

民潘繩武妻詹氏巢縣民葉掄元俱五世同堂

靈璧麥秀雙歧

全椒大有年

十二月雷電鳳陽大雨雹

十九年石埭監生楊人驪妻鄭氏五世同堂蘇秀玉百歲

阜陽廩貢劉澤菁五世同堂監生劉篆妻門氏一百一歲

盱眙廩生傅登魁妻孫氏五世同堂

桐城望江貴池銅陵東流無為五河俱大水

建德西溪大隕隕石廣丈餘長兩倍之

全椒大有年

二十年太平民王光皋諸生王德照俱五世同堂

二十一年當塗諸生唐怡合肥民程綱俱五世同堂

五月英山霍山蛟發壞田廬墳墓溺居民數十人

桐城望江銅陵東流當塗蕪湖繁昌無為鳳臺五河俱大水河

溢潁上亳州太和蒙城由渦入淮

冬大雪壓折房屋竹樹

二十二年歙縣民婦王汪氏一百一歲

太平監生崔國輔親見八代五世同堂全椒民楊殿元丁口六

十餘人六代同居

青陽阜陽麥秀雙歧

淮北州縣大雨雹

秋桐城地震

巢縣大有年

冬黟縣雨木冰

二十三年太湖候選吏目趙文煥妻查氏親見七代五世同堂

涇縣民朱安格一百二歲五世同堂

太平民譚鳳魁百歲

五月太平山水大漲有物如牛逐波至牛皮盪口奔岸而出芮

姓村陷斃二百餘人

河溢阜陽潁上太和蒙城由渦入淮

英山大有年

二十四年黟縣附生朱錦雲甯國附貢生

敕封文林郎朱應選俱親見七代五世同堂廬江民江鴻妻徐氏五世

同堂

河溢潁上太和

英山大冇年

二十五年休甯民張高裕妻方氏百歲阜陽監生方大中一百一歲

夏四月桐城地震

滁州屬大冇年

二十六年婺源民戴世笥妻黃氏一百二歲

黟縣人

詔封奉政大夫程熙佶妻汪氏親見七代五世同堂

太平監生胡有蛟五世同堂民董大起一百八歲

阜陽武進士汝壯圖親見七代五世同堂民張鳴皋妻白氏一

百三歲

含山民胡雲燦妻楊氏五世同堂

夏旌德地震

甯國麥秀雙歧

銅陵大冇年一百二歲

二十七年桐城民婦吳方氏一百一歲親見八代婺源民俞傑妻胡氏親見七代黟縣候選州同胡尙煜妻程氏俱五世同堂涇縣民汪汝師一百三歲民朱苔妻胡氏俱五世同堂

太平縣人

欽賞八品曹澤蘭一百二歲五世同堂弟澤桂百歲

太湖民婦徐胡氏績溪民程士楷俱一百三歲含山民唐家瓚

百歲

鳳陽懷遠定遠鳳臺靈璧盱眙五河災

穎上六安地震

建德虹鄉大有年

二十八年黟縣監生胡崇楛同妻程氏九十六歲五世同堂太

平議敘鹽知事項世璜貴池民汪齊樂俱五世同堂

涇縣鳳興豆一百二歲

三月雷擊阜陽南關逆子死

懷甯桐城宿松望江貴池銅陵東流當塗蕪湖繁昌無為鳳陽

宿州靈璧和州五河俱大水

二十九年婺源民俞文炳妻程氏親見七代五世同堂民婦姚

呂氏一百一歲

太平武生李馨五世同堂胡漸慶夫婦齊眉五世同堂 欽賜七

葉衍祥 扁額

英山文童葉時頤妻節婦王氏含山民路穗妻慶氏俱五世同

堂

石埭民曾瑗一百一歲當塗民陳壽輝母百歲

宿州麥秀雙歧

懷甯桐城宿松望江宣城南陵貴池銅陵東流當塗蕪湖繁昌

廬江無為和州含山五河俱大水沒田廬人畜有入市深丈餘

者鳳陽縣旱

三十年婺源民查兆瑞五世同堂

桐城望江涇縣當塗繁昌俱麥秀雙歧

夏六月建德霍山蛟六安茅坪山崩陷田廬數里西南並雨

七月十七日申刻太平大風晝晦有聲自東北流西南旋雨雹

大如盞

巢縣大疫

來安雨黑豆

天長饑濬四城河工賑

咸豐元年歙縣民黃勤偉妻程氏合肥民王朝宗妻杜氏俱百歲

休甯民吳士環百歲親見七代黟縣監生汪聯燦妻汪氏親見七代俱五世同堂婺源民程組妻董氏親見七代呂淵妻程氏俱五世同堂旌德民江洪家妻呂氏一百五歲五世同堂含山監生黃元瑛五世同堂

歙縣大風雹傷麥廿同堂

桐城當塗碩鼠害稼

鳳陽靈璧五河大水

含山虹鄉蝗

全椒大有年

二年貴池監生姚植年青陽監生陳拱辰親見七代俱五世同堂

阜陽諸生李紱妻甯氏百歲民婦王方氏一百六歲

太湖壽州麥秀雙歧

甯國蝗

宿州靈璧霍雨沒禾

績溪東流鳳陽天長地震

望江大有年

冬黟縣大雪平地二尺許雨木冰縣署竹生米

三年婺源民施彰妻李氏親見七代五世同堂青陽監生李鳳鳴親見七代五世同堂民鮑神助百歲

春穎上雨粟

正月當塗地震三月復震

祁門涇縣建德無為巢縣鳳陽定遠含山五河兩豆

靈璧大饑

滁州地生毛

六安大風拔木

四年桐城民洪昌睿一百二歲五世同堂涇縣監生查翰英五世同堂

六月定遠大風拔木

盱眙旱蝗

滁州來安大有年

冬十一月五日桐城潛山太湖宿松望江婺源績溪涇縣當塗無為含山霍山水沸

五年太平縣人

欽賞八品曹伯喜一百一歲穎上民卜有依一百二歲

黟縣無麥竹生花

冬十月雷

六年歙縣人

敕贈文林郎宋智勳妻邢氏五世同堂黟縣人

誥贈中憲大夫孫瑚繼妻沈氏一百四歲五世同堂

江南北州縣均大旱廬鳳穎六四屬蝗甚

阜陽大火災燬官署民房數萬間

七年春定遠宿州靈璧阜陽全椒霍山大饑

涇縣虹鄉天長麥秀雙歧

壽州宿州大水

秋潛山潁上霍邱英山均大疫

八月六安蝗

八年黟縣捐職未入余章文九品銜汪宗達妻江氏一百四歲

俱五世同堂

當塗霍邱雨麥豆

壽州野麥自生

三月宿州火災數百家四月災千餘家

巢縣巢湖水清三日

潛山英山大冇年夏采食至死卒不蘇百四歲親見七代五世

九年三月潛山大雨雹傷麥

二月三月五月宿州大火災雙刈蘇雙米

十年青陽民倪南海五世同堂

夏宿州靈璧天長大水

全椒野豆生

六安多狼食人

十一年祁門人

馳贈奉政大夫孫肇宇妻李氏親見七代五世同堂

涇縣大饑斗米錢三千

鳳陽野豆穠生色黑味甘饑民賴之

宿松銅陵當塗含山大水

直隸安徵通志 卷三十四 雜類志 三
秋八月日月合璧
冬大雪

同治元年阜陽民張德順妻李氏百歲王迎祥妻郭氏親見七代五世同堂

舒城稻雙穗

鳳陽第一山產靈芝

九月旌德雪

冬十一月二十日雷水

二年春含山大疫

阜陽渦陽麥秀雙歧霍邱麥雙歧稻雙米

黟縣久雨無禾獸食人

定遠野生綠豆饑民采食至次年不絕

三年阜陽人理問銜王東萊妻邢氏一百四歲親見七代五世

同堂

穎上民婦一產三男

亳州野生螢豆可食

巢縣麥秀雙歧

宿州大有年

四年望江太和麥秀雙歧

績溪銅陵雨豆

甯國野豕傷稼至七年乃止

五年青陽民王煥文妻江氏五世同堂

渦陽麥秀雙歧

安徽池太鳳穎滁和六泗十府州屬及宣城涇縣南陵旌德太

平廬江舒城無爲巢縣俱大水
英山有獸食人

六年春桐城望江英山旱至六月始雨

歙縣建德鳳陽壽州鳳臺宿州潁上霍邱太和五河均麥秀雙歧

七年望江民帥舜華一百四歲五世同堂歙縣民馮定基妻王氏五世同堂

婺源民潘大鋒妻程氏一百二歲

舒城民程仿顏妻方氏一產三男

望江禾雙穎

九月當塗合肥巢縣霍邱滁州全椒來安含山天長五河俱地震

定遠宿州含山大冇年

八年太湖貢生張宦妻羅氏百歲五世同堂

望江民周月華妻詹氏一產三男

阜陽民王山百歲是年歲大熟

潁上民馬階升百歲

霍邱民王均士母一百一十五歲親見七代五世同堂

誥封建威將軍李德明妻潘氏五世同堂

英山陰雨自正月至於五月

三月鳳臺大雨雹四月壽州大雨雹

當塗東北鄉野豕傷稼霍山尤甚

六月東流大風雨雷震學宮櫺星門試院號舍傾倒過半壞民房數十間

六安蝗七月野禾生人賴食之

懷甯桐城宿松望江南陵貴池青陽銅陵東流當塗蕪湖繁昌
合肥無為巢縣和州含山俱大水

九年阜陽民王廷選五世同堂張鳳崗妻陳氏一百二歲

正月含山雷電大雨雹二月績溪大雨雹

虹鄉不雨自正月至五月

桐城宿松銅陵無為壽州和州俱大水

懷遠大水入城秋大旱

六安蝗

十年三月祁門建平大風拔木壞民房

桐城大有年

重修安徽通志卷三百四十八

雜類志

仙釋

古之崇信二氏者惟漢之楚王英北魏之崔浩為最先後世士
大夫亦往往好之而佞佛者尤眾矣夫佛老雖顯畔聖人其著
書立說尚有教人為善去惡之意所謂持之有故言之成理者
也及流弊既久厥害滋甚是以

聖祖仁皇帝有黜異端以崇正學之諭

世宗憲皇帝衍為廣訓頒在學宮

道統心傳超越前古舊志沿江南通志之例列仙佛於人物未免為智
者之失茲特移置雜類而增益者亦謹所擇焉述雜類志仙釋
周匡續字子孝嘗乘雲入關師事老子棲隱潯山至今有遺蹟

安慶府志
六安州志

王子喬周靈王太子好吹笙作鳳鳴遊伊洛閒道士浮邱公接
以上嵩山常遊巢愛金庭紫微之勝煉丹洞口楚辭遠遊云軒
轅不可追攀兮吾將從王喬而娛戲順凱風以縱遊兮至南巢
而一息列仙傳
廬州府志

浮邱伯相傳即與王子喬上嵩山者今繁昌邑南隱玉山其煉
丹處也石壇丹井鎖虎石龍池皆有遺蹟而郡北黃山亦傳為
其牧雞地太平
府志

王郭二仙浮邱弟子亦煉丹隱玉山丹成一山震動若浮漚然
因以師號浮邱更隱玉後入匡廬不知所終太平
府志

秦華子期九江人隱潯山從角里先生受仙隱靈寶方返老還
少日行五百里能舉千斤一歲十易皮如蟬蛻後昇仙去江南
通志

漢淮南八公鬚眉皓白同詣王門聞者以老拒之八公皆變為
童子王聞之足不履跣而迎執弟子之禮千變萬化種種異術
無不神效遂授玉丹經三十六卷藥成與淮南王同仙去其藥
器置在中庭雞犬舐啄之故雞鳴天上犬吠雲中也漢史祕之
不言而言王得罪自殺恐後世人主廢萬幾而競求道耳神仙
傳
周義山字季道汝陰人丞相勃之後父祕陳畱刺史義山年十
六常於平旦日出時東向服氣嗽咽百數父問之對曰愛此朝
日之暉是以服之後遇中嶽仙人蘇子元授以長生之道白日
昇舉江南
通志

陵陽子明銓人或曰丹陽人釣於旋溪得白龍拜而放之後得
白魚腹中書教以服食之法遂上黃山採五石脂沸水而服之
三年龍來迎去止陵陽山弟子安死葬山下有黃鶴來棲其冢

重刊步德通志 卷三十四

列仙傳 江南通志

樹鳴呼子安云
琴高趙人以鼓琴為宋康王舍人浮游冀州涿郡之閒二百餘年後入涿水中取龍子與弟子期至日果乘赤鯉出留月餘復入水去後來涇縣北二十里山煉丹丹成控鯉上昇今其山曰琴高山溪曰琴溪上已前後數日出小魚相傳為其藥渣所化

列仙傳 涇縣志

丁令威遼東人學道於當塗靈墟山嘗往來宣涇之閒後化鶴

歸遼今涇縣丁溪有丁仙廟

江南通志 涇縣志

方儲字聖功歙人講孟氏易精圖讖善天文舉賢良為洛陽令永元五年郊祭問以陰晴勸帝毋往是日晴詔責其欺儲曰咎時且至願乘輿亟還比駕還陰雨大作後傳其仙去廟祀之

統譜 江南通志

樂長子齊人少好道遇仙於霜林授以巨勝靈兆散方告曰蛇服為龍人服為童年一百八十色如少女棲隱潛山號潛山真

君遺蹟猶存唐明皇有贊

江南通志

魏伯陽相傳煉丹於合肥四頂山中

廬州府志

壺公謝元歷陽人賣藥於市不二價治病皆愈語人服此藥必吐某物某日當愈無不效日收錢數萬盡以施貧乏者汝南費長房為市令詣公公攜之去授以治病之術令還後仙去

太平御覽

引三洞 珠囊

左慈字元放廬江人曾於曹操座上取松江鱸魚蜀薑及錦語

頃即得操不喜欲殺之慈乃卻入壁中霍然不知所在

後漢書

張真君渤旬容人或曰烏程人嘗學道於橫山師事實林禪師昕夕禮斗道成就山巔構北斗殿今祠山殿香火甚盛

廣德州志

按祠山事見於祠志及他書者甚怪異大約多竊取禹化熊
及塗山氏化石之事以文之宋羅泌路史曾辨其妄今廣德
州志所載祇如此亦不語怪之意然所云寶林禪師者亦釋
氏附會之說漢時佛法未盛尙未聞有禪師之稱

晉羅文佑南昌人父塘與許遜學道太康中文佑奉母湛之歛
采藥黃山尋軒轅故蹟既而結廬長春里燒丹丹成乘白狼去
里人祀之稱呈坎天尊江南通志

陶安公六安鑄冶行火者一日朱雀止冶上曰安公安公冶與
天通七月七日迎汝與赤龍至期乘龍東南去六安州志

宋杯渡西竺僧或曰冀州人所至乘木杯渡水故名初以袈裟
裹錫杖擲空隨所在下勝地故於繁昌隱靜山建寺又宣城行
廊山興雲寺今日法雲者亦其所建又九華化成寺其道場亦

杯渡所創而金地藏因之高僧傳 甯國府志 太平府志

螺浮尊者與杯渡同至姑孰卓錫山中泉自湧出今龍泉山福
源寺中井是也汲以竹則清以綆則濁又時有方公禪師西竺
人與螺浮同至青山創南峯院日抱甕下汲供飲忽有虎跑擲
院旁甘泉自湧今名虎跑泉又黃池初未有寺忽有異僧於河
埂募化二虎為之服役里人異之共樂輸成寺今廣教寺是也

江南通志 太平府志
梁白鶴道人武帝時方士愛瀟山奇絕浮屠寶誌亦愛之武帝
命二人各以物識其地得者居之道人以鶴止處為記誌公以
卓錫處為記鶴先飛去將止於麓忽聞空中錫聲鶴驚止他所
而錫卓於山麓遂各以所識築室焉江南通志

寶誌禪師金陵朱氏婦上巳日聞兒啼鷹窠中梯樹得之舉以

爲子七歲出家宋太始閒披髮徒跣著錦袍往來潛山皖水閒

梁武帝極禮重之

安慶府志六安州志

伏虎和尚失其名梁時居九子之拾寶巖或半月休糧或經旬

入定嘗夜行山中虎輒避去賜號伏虎禪師天監二年示寂

池州府志

薛玉字世寶沛國人梁時師元圃先生能文章善書畫嘗書一

章於崇靈觀道正省壁上見者翫之

太平御覽引道學傳

北齊安禪師文宣時居桐城

南畿志桐城縣齊置

王屋寺說法講涅槃經有雌雉來座側伏聽講至三卷後不來或問師師曰雉已至越

州某家作女閱七年安曰欲往越州看雉遂至其家果有女名

雉見安如舊識因求出家約日來王屋寺至日安於寺中誦度

人經使人戒女來聽鐘乃升女果至山下跽而聽鐘鐘鳴遂合

掌化去

安慶府志

隋慧可初名神光受法於達摩爲更名授之衣鉢爲釋門二祖

嘗來司空山建刹其上付法於璨大師今有傳衣石葫蘆石祕

記靈跡存焉

五燈會元

璨大師得法於慧可爲釋門三祖隱舒州皖公山十餘載無知

者開皇閒有沙彌道信謁曰願和尚慈悲乞與解脫法門璨曰

誰縛女曰無人縛曰既無人縛何更求解脫道信言下解悟傳

衣鉢爲四祖

五燈會元

方唐虎窟寺僧持律甚嚴每行有虎隨之郡守因以名寺今定

遠縣禪窟寺是也

江南通志

唐慧滿貞觀閒結廬合肥大蜀山嘗誦法華經有白衣來聽法

自稱東海龍王少子是時苦旱師令降雨答曰盜布天澤當殛

死師曰汝舍此身以救民我誦此經以度汝言畢不見須臾膏澤滂沱越三日有龍死山隅師收葬之民為立祠遇水旱祈禱

必驗江南通志

僧伽大師西域人俗姓何龍朔初來遊欲於泗州臨淮縣信義坊乞地施標將建伽藍於其標下有賀元濟者請捨所居為之掘得古碑乃齊香積寺銘記并金像一軀上有普照王光佛字遂建寺焉景龍二年中宗迎師入內道場尊為國師出居薦福寺以祈雨有驗詔賜所修寺額師請以普照王字為名帝以照字是天后諱改為普光王寺親書額以賜焉四年卒於薦福五月送至臨淮起塔大中祥符六年加號普照明覺大師太平廣記引葉法善修煉於銅陵之洪口耆最久土人名其山曰葉山山麓

南通志

有葉真人廟池州府志

呂嵒號洞賓嘗在桐城呂亭驛畔遇一孝婦取水事姑至此息肩指示之曰此閒自有甘泉不須遠取遂拔劍劃之泉湧出至今方池數武名洞賓泉又嘗遊浮山雪浪巖題云褰裳懶步尋真宿好景一時觀不足月在碧空風在松何必洞天三十六江南通志

通志

慧明字元照歙人幼愚陋長忽神異民閒疾疫醫卜不起明與交臂卽痊禱雨輒驗能使眇者視跛者履人稱聖僧江南通志珠溪謙歙人得法於雲居道膺傳燈錄

王奉先宣州當塗縣民家女也嘗以忠孝正直之道清淨儉約之言修身密行之要訓於人故遠近瞻仰金玉委前棄而不顧後入洞庭山無疾而化有雲鶴異香之瑞仙去太平御覽引

義安開元中居石埭杉山鎮國禪院累詔不起元宗為割縣之

三鄉租稅以贍眾僧江南通志

乾應結茅絕粒隱於涇之櫟山趺坐山中傍有二虎馴伏不動

又有樵者幾為虎噬應叱之得免號伏虎禪師甯國府志

仲濬靈源寺僧有文名李白贈之以詩江南通志

希運禪師初住高安黃蘗山曹溪六祖嫡孫大中三年裴休知

宣州迎居開元寺為創廣教寺於敬亭山麓又為開道場於涇

縣水西江南通志涇縣志

麻衣禪師中和閒煉藥宣州翠微峰下嘗衣麻衣有得其麻縷

者輒能療病江南通志

通公吳人結廬敬亭山北苦修敏悟叢林所推嚴綬署宣州師

事之江南通志

覺禪師西洛人受業藥山院得法於汾州嘗住滁州瑯琊山開

化寺有五百梵僧萬席下休夏同日而來同日而去江南通志

商棲霞歷陽人大曆中棲白石山彭仙洞善吐納之術絕粒三

十餘年江南通志

王季文字宗素青陽人居九華遇異人授九仙飛花之術曰子

當先決科於祠籍後策名於列真果登咸通二年進士授祕書

郎謝病歸築室頭陀嶺下日浴龍潭或終日對客而人亦於龍

潭諸處見之池州府志

趙知微九華山道士結廬於鳳凰嶺前咸通辛卯以煉丹須西

土藥乃使其弟子皇甫元真入京師寓於上清院皇甫枚時居

蘭陵里日與相從因詢趙君事業元真曰去歲中秋自朔連雨

至望余謂同門生曰堪惜良宵趙君忽命侍童備酒果徧召諸

生在天柱峯翫月眾皆疑愕少頃曳杖而出諸生景從既闕荆
長天廓清皓月如晝捫蘿援篠及峯之巔鋪茵藉草舉酒歌詩
及至寒蟾遠隱方歸山舍而淒風飛雨宛然眾乃服其奇致元
真亦得黃白術碁格無敵壬寅春歸九華後更不至京洛太平廣記

引三水小牘

幽大師出入跨虎坐化於值雪山真身猶在江南通志

大同禪師懷甯劉氏子咸通閒參翠微禪師於言下頓悟結茅
投子山住三十餘年中和時黃巢亂起有寇持刃問曰住此何
為師乃隨宜說法拜伏而去乾化四年示寂賜諡慈濟大師江南通志

通志

何仙姑初大同禪師每溲溺有鹿來飲久之鹿產肉毬裂開一
女師見而收養之至十二歲牧童戲以山花插其髻師乃令下

山屬曰遇柴則止遇何則歸女至柴巷口何道人家遂棲之以
何為姓慎守師戒修持覺悟師使趙州召之女方漸卽持策筥
往先至見師坐左趙州至坐右三人一時化解今投子山有趙

州橋柴巷口仙姑井江南通志

金地藏名喬覺暹羅國王子少落髮為沙門至德初行腳至九
華山乞居人閔讓和東巖地踟躕其內居人諸葛節等敬其苦
行建寺居之建中初刺史張巖奏請賜額化成道場日盛貞元
十年年九十有九召眾告別維時山鳴石隕跌坐而逝越三年
啟龕入塔面貌若生塔建寺右常發光如火故謂之神光嶺後

羣以殿四方頂禮不絕江南通志池州府志

普願姓王氏新鄭人初六祖授南嶽讓讓授馬祖而願則馬祖
門下三大士之一貞元中憩息秋浦之南泉不下山三十餘年

宗風大振太和八年示寂初偕願來秋浦者有寶雲亦馬祖法嗣居魯祖山又有智堅和尚亦馬祖法嗣挂錫石埭之杉山

通志 池州府志

澄觀字大休嘗重建僧伽塔韓昌黎贈之以詩所謂收拾加冠巾者也曾奉詔入內釋經加號僧統清涼國師年一百二歲卒

敕建塔於終南山

泗州志

鄭全福浮梁人開成中遊獵婺源深入窮谷與其徒相失有老人導遊靈巖三洞遂結茅居之修煉得道又徙蓮花洞之石室百餘歲語門人曰必葬我浮梁白水鄉及卒弟子送至夕陽嶺下覺棺空發之惟履在耳

徽州府志

蒼仙不知何許人愛廣德縣義蒼山之勝隱居焉不笑不語時見時隱後仙去里人立祠祀之今雲棲巖洗藥澗升仙臺煉丹

崖遺蹟宛然

廣德州志

藍采和不知何許人常衣破藍衫綠袴黑木腰帶一脚鞞一脚趺夏服絮冬臥雪每行歌於城市乞索人以錢與之以長繩穿拖地行或散失亦不回顧見貧人即與之後踏歌於濠梁閒在酒樓乘醉有雲鶴笙簫聲忽然輕舉冉冉而去今濠州有撒錢街

太平廣記引續神仙傳 江南通志

王先生家於烏江一日火起延燒廬舍先生往視之厲聲呼曰火且止火且止於是火滅里人始奇之長慶中有楊晦之者自長安東遊至烏江聞先生名就謁先生畱宿時八月二日也先生召其女七娘乃一老嫗扶杖來先生曰此吾女也情而不好道今且老矣既而謂七娘刻紙狀月置東垣上奇光自發洞照一室晦之驚嘆不測

太平廣記引宣室志

妙女者宣州旌德縣崔氏婢也貞元初年可十三四夕汲庭中

忽見一僧以錫杖連擊三下驚怖而倒心痛迷亂數日漸瘥不

復食惟餌蜀葵鹽茶清瘦爽徹顏色鮮華自言本是提頭賴咤

天王小女為洩天門閒事謫墮人世已兩生矣自後能吟咏刺

繡歌舞愈疾神異不可備記其父母常來看視一日言要喚歸

戀其主母不去遂漸飲食不知後事如何太平廣記引幽通記

道樹卜壽州三峯山結茅而居言笑詭異常化佛羅漢形學徒

睹之莫能測寶曆元年年九十無疾而終江南通志

道雄濠州真如寺僧冬夏惟一破衲蓬頭跣足每施藥濟人即

獲奇效不受謝廣修橋路人多便之旁通韻學反切精緻後跌

坐而化江南通志

三刀禪師唐末居廬江顯甯院黃巢之亂賊執而斫之三刀無

面故名江南通志

崔自然巢縣人少學道得服松脂法隱城南洞中冬雪常於溪

中澡浴入山虎豹皆馴伏一日告逝後有人見之豫章道上其

石牀藥臼尚存江南通志

閩邱方遠宿松人修真匡廬唐昭宗屢詔不起賜號妙有大師

景福中居餘姚大滌洞錢鏐奏請賜號元洞先生天福中尸解

後有見於天都山者江南通志

劉度人舒州人每於潛山丹霞石上誦靈寶度人經一日遇神

邀之金雞石見三仙對弈一仙與劉一碁子使吞之後遂仙去

視其斂惟履杖而已又有崔之道者為真源宮道士吞弈尸解

與劉略同安慶府志

劉大師潁州人人莫知其名嘗乘馬過油店橋見瞽者用藥點

之立愈一日復至墜馬坐林下鼯聲如怒濤即之不見始知其

非凡僧後人即其地為寺所過橋至今稱迎仙橋云潁州府志

許宣平歛人唐景雲中隱於城陽山南陽結菴以居不知其服

餌但見不食顏色若四十許人行及奔馬有題其詩於洛陽傳

舍李白見之曰仙人詩也乃游新安訪之不得亦題詩於菴壁

而去是冬野火燎其菴不復知所在百餘年後至咸通七年郡

人許明奴家有嫗入山見一人坐石上曰汝明奴家人也我明

奴之祖宣平與之一桃令食之嫗自後童顏輕健中和以後兵

荒相繼明奴徙家避難嫗入山不歸有樵採者見嫗衣藤葉行

疾如飛昇林木而去太平廣記引續神仙傳

聶師道歛人少好道唐末于濤為州刺史其兄方外為道士結

廬郡南山中師道往事之濤常詣方外咨以郡政因名其山為

問政山師道居是山久國人號曰問政先生裴樞刺歙田頔陶

雅園之食盡以城中殺外軍過多不敢降師道縋城出見頔雅

為民請命頔雅與之語喜而許之州人獲全師道力也楊行密

聞其名召至廣陵建紫極宮居之遂卒於廣陵時方遣使湖湘

使還遇師道於途問之師道曰朝廷遣我醮南岳耳及入境知

師道已卒數月相傳為奇十國春秋

西峯聖者嘗寓池州乾明寺陽狂不羈好吹笛能役鬼神蛟龍

及去留笛後人寶之江南通志

清素祁門人揚州刺史陶雅祈雨汪王廟夢汪王曰師為水晶

宮菩薩五龍行雨不由天降陶請之師曰吾已遣雨揚州三晝

夜矣果然江南通志

南唐何令通宜春人為國師賜號紫霞精堪輿以言牛頭山陵

不利謫休甯棄官歸空徒芙蓉峯結碧雲菴一坐四十年豁然

大悟宋天禧三年正席跌坐忽火從心出自燒而化江南通志

聶紹元師道從孫居問政山世精修煉一日晨起沐浴四鶴集

屋光自空下如火而紹元坐化嘗撰宗性論修正祕旨各一篇

江南通志 徽州府志

李玉琳婺源人遇真人授以玉皇經教真文雷雨壞民居玉琳

鐵誥所鎮獨無恙子孫世其術江南通志

胡得勝婺源人人生而神異嘗曰某處覆舟某處失火皆驗後卒

有禱必應遺劍猶存江南通志

宋趙自然繁昌人家荻港本名王九始年十三疾甚父抱詣青

華觀許為道士後夢一老人引之登山謂曰汝有道氣吾將教

汝辟穀之法乃出青柏枝令食之及覺遂不食歲餘復夢前老

人教以篆書數百字悉能記寫因為元道歌言修煉之要太宗

聞之召赴闕賜道士服改名趙自然再召累得對賜紫衣改清

華觀曰延禧以母老求還侍養許之宋史 舊志 新移 方技

惠褒結茅含山縣北山麓時重其道行因名其山曰褒禪淳化

中禱雨有應賜號護法大師江南通志

丁少微亳州人為道士持齋戒奉科儀尤為精至嘗隱華山潼

谷密邇陳搏所居與之齊名不相往還志尚清潔善服氣多餌

藥年百餘歲太平興國三年召赴闕以金丹巨勝南芝元芝為

獻還山七年卒宋史 韓顯符傳

志言姓許壽春人落髮東京景德寺能前知或卜休咎書紙揮

翰甚疾初不可曉其後多驗海客遇風且沒見僧操繩引船而

濟客至都下遇言真引舟者也宋史 方技傳

雪山歛人遇盛夏輒夜臥草莽中以身施蚊蚋者二十年後住
休甯普滿寺自號覺菴及坐滅火之頂骨不壞得舍利二十所
著有池陽百問徽州府志

可勳有禪行作菴宣州城山寺側曰臥雲太平興國己卯召對
問曰臥雲深處不朝天因何至此對曰天曉不關鐘鼓事月明
豈爲夜行人因賜還山江南通志

遠錄公在浮山華嚴寺歐陽修造其室與客圍棋師旁觀之歐
遽收局請因棋設法師即搥鼓升座衝口而成歐爲嘉歎師曾
敘釋氏奧義作九帶集自稱砦石野人江南通志
安慶府志

義青懷甯李氏子七歲出家習百法論長入洛聽華嚴義如貫
珠至浮山三年遠錄公時出洞下宗旨示之悉皆妙契江南通志
李斯立居東山靈仙觀善丹爐年八十常從蘇軾黃庭堅遊能

詩如崑漚連雲凍溪梅帶雪香等句人多傳之其觀至今名仙
人洞洞口有泉迸出不絕可浸田百畝許江南通志
安慶府志

全舉禪師舒州法華院僧得法汾陽徧歷十方後示眾云釋迦
不出世達摩不西來佛法徧天下談元口不開法華院今在宿
松治東五十里傳燈錄
江南通志

永素祁門人紹興中居柏山院日誦華嚴經後往嚴州烏龍山
仍回柏山一日沐浴升堂說法作偈語訖而逝徽州府志

鄭仙姑歛人父曰鄭八郎學道者也家歛之東嶽廟前姑幼與
父居閣上父見客閣下姑自上捧茶下然未嘗見閣上有烟火
父死斂而不葬姑言父未死也如是數十年未嘗出城人或見
之百里外蘇轍爲績溪令訪之問其年八十矣猶處女也問以
養生之術如導引嚙納燒煉皆云非是但云人但養成嬰兒何

事不了龍川略志

孫姑采石人元祐閒許嫁而妊人都鄙之乃至其夫家取水浴坐其中產一鶴赤身跨之而去其妹繼之亦顯靈異賜號靈寶禪師敕建白鶴觀於寶積山太平府志

懷義南陵開化寺僧不雜髮或問應曰當薙心耳甯國府志

張先生舊志皆不詳其名政和閒結廬池州齊山日惟默坐人過問之直視不答在山三十年顏色轉少後尸解江南通志

宗道往來舒蘄閒多留於投子山性嗜酒無日不醉陳瓘初赴省闈問曰瓘此行作狀元得否宗道熟視久之曰無時即得瓘竟以第二人及第而時彥者作魁安慶府志

東松僧祁門人法名子珣紹興初岳武穆提兵過此甚奇之既而多作隱語岳心解之而不能用題壁而去及被禍秦檜知僧

所言使李吉者來殺之僧已知之以佛像一軸置菴西橋題壁云李吉從東來我向西頭走不是佛力大幾乎出場醜乃遯入山距菴不一二里李吉見詩尚欲追之及展佛像忽一忽千恍惚奪目乃錯愕而還僧尋構菴遯所坐化其置佛像橋後名千佛橋徽州府志

石風不知何許人紹興閒寓當塗光孝寺披髮垢面佯狂叵測人皆以石風呼之信口作詞初不可曉後悉驗江南通志

宗杲姓奚氏甯國人大觀中為僧嘗與張九成議論出入儒釋縱橫不窮後坐九成編管衡州秦檜怒其不附己再竄梅州孝宗召杲與語稱旨賜號大慧禪師及御書妙喜菴字隆興初示寂所遺書有正法眼藏大慧語錄夢真語錄甯國縣志新增

王中勤來安人淳熙中為道正戒行峻潔遇異人授祕法每歲

早及疾疫有禱必應

江南通志

白玉蟾福州人本姓葛名長庚遇異人傳祕術世以為仙嘉定末詔徵赴闕奏對稱旨嘗憩含山白石洞愛其泉石幽勝特再過之有詩見集中

江南通志

元宗善姓鍾元末指揮使從余闕守安慶城陷披緇潛遯至永隆山明初人傳其詩云目擊神州已陸沈心隨野鶴與孤雲茫茫宦海羞容膝隱隱禪林可託身坐假蒲團忘世慮臥投方丈憶忠魂埋名拋棄人閒事懶問山河屬大明後得道為永隆開

山祖

江南通志

胡月潭婺源人事王月蟾得天心五雷之祕飛步瓊璣之書治雷禱雨立見感通先知死期至日坐滅又有胡月澗者黠人術亦如潭殲邪治疫不用符呪忽夢登九天與徒言訖而逝

江南通志

賀士迪宣城人元妙觀道士善祈禱禦災成宗召入京賜號真人并賜寶劍玉鼎玉環玉圭各一從幸兩都乘傳還山

江南通志

張松谷太平人得養真之術棄家隱黃山芙蓉峯下辟穀煉形凡人病採草藥投之無不愈歲旱禱雨默坐潭上而風雨驟至

江南通志

妙果樂平人徧遊四明天童浮梁諸山歸息於巢豫建一塔其夜有光如匹練自天際散於五峯之頂彌三夕乃止

江南通志

圓寂號懶牛和尚至正中寓和州既說偈畢即沿麓至磯舉步大江如履平地徐至中流乃跣趺而坐浮水上久之方沒後半月出沙洲上衣履不脫跌坐儼然如生眾人聚觀乃輿歸茶毘

焉

江南通志

王當陽初遇異人能幻化之術後遊武當山歸於廣德州南平

頂山建昇平道院修煉其中年九十餘端坐而化江南通志

明金碧峯有道行善天文棲敬亭山西北石巖太祖至其地跌

坐不起露刃臨之曰汝知有殺人將軍乎答曰汝知有不懼死

和尚乎異而謝之問以向導果決勝如其言後召至金陵建碧

峯寺以居之江南通志

甯國府志

宗泐台州人住持涇水西寶勝寺有詩集曰全室集洪武初召

為右善世後辭歸賜詩曰寂寞觀明月逍遙對白雲汝其往哉

涇縣志

按明人說部載宗泐事多怪異又有言其以詩中用殊字為

太祖所誅者而涇志所載祇如此今從之

張古山潁州人生而端重父母欲為娶妻不從入迎祥觀為道

人久之召為武當山提點能言未形事後入山採藥不知所終

相傳張三丰遊潁古山師事之遂得其術今迎祥觀有混元衣

體製特異或云三丰所留也江南通志

梅通梅道梅顯江西人宏治中偕其姊妹四人自南昌來貴池

之揚名坦種山與邑人潘應時善歲大旱潘命僕詣梅見山糧

青秀異之次日僕歸忽烏雲蔽日回視梅兄弟立井傍以巾漬

水徧灑甘雨大注越日再往則合家已葬山巔百鳥銜泥塑三

像成矣後十年迎像至桐樹下為雨所壞遂刻桐為之禱雨輒

驗貴池縣志

新增

周金和尚正德閒自少林來居九華東巖石竇中王守仁登九

華與之語有契贈以詩後去不知所之池州府志

孔師居建平白鶴觀道士也正德閒嘗遇異人授以祕錄能呼

吸雨風驅役鬼神禁蛟召鶴斬魅禱星年八十戶解仙去江南通志

金印英山人世宗病癰陶仲文薦印治之印書符傳患處中官見有白蛇擁上躬遂愈授博士賜名中剛賜坊曰盡職供事後承命治江西疫升太常寺卿賜一品服

江南通志

朱橘望江人母夢吞星有娠十五月嘗憂焉有道人持物如橘謂其母曰食此子生矣問名氏示以扇其上有麴君子三字既誕因名橘讀書聰慧尤精於易後臨池顧影有悟遂薄名利慕修煉忽遇道人持橘歌曰橘橘橘無人識惟有姓朱人方知是端的橘因隨至郊外拜問曰非麴君子乎不答泣請乃授以符訣令往皖山築室修煉橘遂修道於皖公山後至惠州之博羅

立化

江南通志

三貞姑宣德時人長姊嫁數月而孀結茅大凹山中二妹慕姊貞義相從清修後皆得道里人於其地建三聖菴傍有石穴圓

如鏡三姑藏骸處也丁丑遭流寇婦女悉竄菴中寇至山下見

緋衣三婦往來林莽間追至菴見三姑像皆緋衣寇投刀拜戒

勿犯婦女得免至今春秋祀之

江南通志

天童河南人童時自願出家父母不能禁拜僧慶安為師常語

人曰我杉山和尚也後遂同慶安攜杖而來問池州杉山居焉

嘉靖三十五年春先期三日自稱示寂下山拜諸檀那又拜師

及眾僧趺坐而逝

池州府志

大慧宣城僧掩關七年使眾以鍼刺體液出皆乳未幾往峨眉

還至黃池勝果寺謂其徒曰吾從此逝矣因趺坐說偈而化口

中火出自焚獨頂骨不壞

江南通志

吳崇信無為州道士嘗遊長沙傳毛真人雷法能驅役鬼神祈

禱甚驗

江南通志

木牌王自言王姓能治療手持木牌人因以稱之嘗在懷遠冬
月宿元真寺門外雪深尺餘其臥處如燎火有問病者命持酒
來一飲而盡吐其半飲病人即愈後不知所之江南通志
無心和尙自蜀來朝普陀遂憩潛山之永水菴年七十好笑如
兒童狀居有頃逢人募薪一束積至百擔自理之如陶穴然一
日寄語辭山下人曰無心以某日去人怪之及期乃入柴穴中
木魚聲不絕後自取火手自茶毘火光撲面將木魚擲外口稱
去了須臾而化其骨不僵至今塔在小岑有像如生江南通志
邈邈仙寄跡休甯溽暑衣裘曝日中冬則裸體跣足而蹈冰雪
不事浣濯近之無纖穢氣人稱邈邈仙年百餘坐化於齊雲山
江南通志
劉海舊傳呼蟾於蒙城縣治西北井中今井在城內夜無鼃聲

穎州府志

穎上異僧縣寺欲塑羅漢有僧自稱善此令庀顏料備具密局
殿宇不日而莊嚴生動金碧各極其致穎州府志
一九和尚績溪人俗家居於山其父為虎所噬一九揮拳擊中
虎眼奪父屍於虎口而歸明日獨持械往山尋虎與鬪久之械
為虎折奔還復持械往卒殺虎遂於石金菴披剃為僧清修苦
行人皆重之徽州府志

慧融來自西蜀隱黟之石門洞洞中一竈一瓢有米則炊無則
已坐石上兀如石人七日不食亦不饑有人夜經山下冒月而
行訝時方晦何得有月俄而俯瞰溪潭悉成月色披枝尋根月
從洞生江南通志
徽州府志

王大慶字楚林太和縣人遊於方外遇異人授導引之術壽頽

兵備道孔天允延之入署值元夜言及金陵燈火之盛令孔閉
目同往須臾至三山街入館小酌戲以孔衣爲質比還夜始五
鼓次日遣人贖衣往返凡半月著有混元肇判集二卷及樂道
兩歌傳於世潁州府志

顯光法師棗強人自南海來泗臥僧伽塔下嘗信手拈以啖病
人立愈泗州志

終南神女太平縣周怡罷官歸遊終南山見之曰君與我鄰里
也吾宗姓水西大塔吾所造示以催生方後如方修造濟人甚

眾見周恭節年譜

尹蓬頭不知何許人寓涇宣陽觀多異蹟嘗從道士索守犬作
食道士屬徒烹之徒竊食其兩耳尹食訖曰犬非全者因吐出
宛然惟缺兩耳後歲餘去不知所之江南通志

擔蓑老者不知何許人太湖劉燾嘗與友行山谷閒思爲送春
之句一欲拈風一欲拈雨語未決適一老者擔蓑笠至卽拈一
詩云言風言雨總皆非風雨不來春自歸蜀魄嗁殘花影瘦吳
蠶食盡柘陰稀枝頭綠軟梅初熟口角黃乾燕學飛我亦欲歸
歸不得擔頭猶挂舊蓑衣二人聞之心醉老者邀之至家紆徐
委曲怪石奇木不可名狀又折而東清流一灣岸泊小艇老者
揖登二人神骨寒淒不能耐遂失老者所在惘然而歸安慶府志
王道人不知何許人居太平縣曹山絕頂山高十餘里榛莽塞
徑值冬雪山下人裹糧尋徑道人常提壺漿候山半接引之居
三年將去往來數十家皆告別有曹某者遊最稔道人以一破
衲爲贈後某疾被之而愈會其孫婦苦難產婢竊取覆之隨免
身無恙而衲亦自是不靈矣甯國府志

馬相字自然修道於皖公山之黑虎洞後遍遊方外歸杭州省
兄兄適出謂嫂曰特歸與兄分宅我惟愛東園耳待兄三日不
歸遂卒兄歸從其語窆之東園明年東川梓潼縣奏道士馬自
然白日上昇詔杭州發其棺一竹杖而已安慶府志
楊和尚精通內典結茅習靜於小雉嶺得異術禱雨必應明季
歲旱鄉人立壇和尚自限三日不雨即焚身屆期不驗遂自焚
而兩大注因名其山為和尚山肖像於圓通菴後天欲雨焚身
處輒起雲霧至今雲禱必請像至壇祀焉安慶府志
邱了顛和州人生而喪母甫數歲聞有哭母者曰吾母何在由
是朝夕思兀兀如癡後遇異僧為之披薙字之曰了顛行腳數
年而歸顛愈甚語無倫次多中人隱有女子將嫁而患蠱脹顛
遇之突前以兩手握其乳打擊不放女歸瀉黑水斗餘而愈又

以顛觸貴人繫獄囚皆病疫顛令汲井水一桶掘地攪之呼囚
共飲疾如脫乃知其異人遂得釋一日辭眾躍入江而去和州志

舊志方技
新移

國朝性源結刹於大龍山之巔終日趺坐一日烈風震雷雨傾如
注菴後數蛟騰起水深三尺眾皆驚怖性源入定自如蛟從屋
角委折而下若不敢犯者人咸異之江南通志

沈鼎彥字禹鉉南陵承天觀道士工詩善書精於修煉著黃庭
內景直解萬五千言江南通志

了然住甯國千頃山振興黃蘗道場能馴鹿狎虎冬夏一衲康
熙戊午卒年一百二十六歲今肉身不化江南通志

僧濟號石濤又號苦瓜和尚住宣城廣教寺能詩尤工畫雲烟
變滅天矯離奇太倉王司農原祁嘗曰大江以南畫者以石

爲第一余與石谷皆不及也其兄亮字喝濤一號鹿公

山能詩善畫與濟齊名

畫徵錄
甯國府志

星郎龍溪林氏子天啟丁卯舉人仕屯田郎出守肇慶棄官薙髮徧歷名山後至廬江住治父山祖庭寺寺旁有古樹一株枯而復榮者數矣師至樹忽茂康熙癸丑樹萎而倒師曰樹倒老僧行矣沐浴更衣而逝

江南
通志

無我甯國胡氏子避仇杭州靈隱寺爲僧初不識字未數年博通內典善鍾王書康熙閒還住梅林雨花菴一日詣卜識吉答以上已無我笑曰老衲當回首矣至期端坐而逝

甯國府志
新增

通達不知何許人康熙五十年來廬州土橋鎮寄居城隍廟粒食不入口惟日飲水三十餘升夜則誦經達旦如是者十日忽買薪積平原僻處端坐其中引火自焚瞑目誦佛而化鎮人異

之卽其地建塔并爲立廟以祀之

廬州府志

行勝字元機宜興顧氏子幼不茹葷晝夜禮拜數十年不著牀席來往旌德祥雲菴常遇虎縱步就之虎爲卻避又夜聞虎入欄與牛鬪端坐默禱凌晨虎斃欄外因名伏虎禪寺夏雨連日九蛟齊發水沒牆而過菴無所損所著有語錄行世

甯國府志

勇戒禪師不知何許人在南安西山上結茅爲屋夜不寢常周行山閒念佛不輟與鳥獸相狎招之卽集於庭偶乏食口呼羣獸趕供隨有檀越送米至菴歸寂後鄉人欲以肉身裝金因鼠齧一指遂瘞於山後豎石爲勇戒塔

石埭縣志

鄔公修道廬山十八年潛山歲旱求雨不應鄔至奪道士旗呼眾隨伊取水少頃大雨如注鄔忽不見人刻像祀之每歲旱禱

雨輒應

潛山縣志
以下新增

野蠶宋姓名崖合肥諸生父母歿出家爲僧在河南

最久其詩高伉秀傑書怪偉畫縱橫有奇氣與石濤瘦瓢齊名

合肥縣志

道士梁本惠在阜陽陳家廟力耕積貲購地造義學得導引術

能月餘不食

阜陽縣志

釋麗和字常泰舒城馬氏子初不識字後聞經語輒解住持桐

城大甯寺謹守戒律時與子言孝與臣言忠或譏之答曰吾輩

雖出家要勿失本心而已咸豐初桐城陷匿深山招集忠義士

以圖恢復未幾卒

桐城縣志

桐城縣志

